

Nalog supervizora o imenovanju gospodina Milenka Miličevića na radno mjesto šefa Policije Brčko Distrikta

Sukladno stavku 36(d), 37 i 39 Konačne arbitražne odluke za Brčko od 5. ožujka 1999.god. i stavku 6 Aneksa od 18. kolovoza 1999.god.;

U smislu članka 34 i 60 Statuta Brčko Distrikta;

Pozivajući se na ostavku gospodina Dušana Kokanovića na radno mjesto šefa Policije Brčko Distrikta od 12. oktobra 2002.god.;

Nakon preporuka Operativnih snaga međunarodne policije Ujedinjenih naroda da se izmjeni Zakon o Policiji Brčko Distrikta i da se depolitizira radno mjesto šefa Policije, kao što je učinjeno u drugim dijelovima Bosne i Hercegovine;

Na osnovu činjenice da je Neovisni odbor za razmatranje prijava i izbor kandidata osnovan sukladno preporukama Operativnih snaga međunarodne policije Ujedinjenih naroda i da je zaključio da je gospodin Milenko Miličević najuspješniji kandidat za radno mjesto šefa Policije Brčko Distrikta;

Kao rezultat neuspjeha prijelazne Skupštine Brčko Distrikta da, na zasjedanju 7. februara 2003.god., tropetinskom većinom, koja je potrebna prema Statutu Brčko Distrikta, izglasa imenovanje gospodina Milenka Miličevića na radno mjesto šefa Policije, nakon neosnovanih tvrdnji i optužbi protiv kandidata;

Nakon potvrde Neovisnog odbora za razmatranje prijava i izbor kandidata da je gospodin Milenko Miličević i dalje najkvalificiraniji kandidat, i odbijanja njegovih članova da

kompromitiraju svoju neovisnu i profesionalnu odluku predlaganjem drugog kandidata Skupštini Distrikta;

Sa ciljem depolitiziranja Policije Brčko Distrikta i jačanja profesionalizma njenih pripadnika;

Ovim imenujem gospodina Milenka Miličevića na radno mjesto šefa Policije Brčko Distrikta.

Mandat novog šefa Policije biti će četiri godine od dana izdavanja ovog naloga, a radni zadaci biti će određeni sukladno Zakonu o Policiji, koji je izmjenjen 7. februara 2003.god.

Nalog stupa na snagu odmah i biti će objavljen u "Službenom glasniku Brčko Distrikta".

Henry L. Clarke
Zamjenik visokog predstavnika
Supervizor za Brčko